

Proglašavam Zakon o izmjenama Zakona o implementaciji odluke Komisije za zaštitu nacionalnih spomenika iz Aneksa 8, koji je usvojila Skupština Brčko distrikta BiH na 4. redovnoj sjednici održanoj 10. marta 2021. godine.

#### Član 2

Ova odluka bit će objavljena u Službenom glasniku Brčko distrikta BiH.

Broj: 01-02-1241/21  
Brčko, 10. 3. 2021. godine

PREDSJEDNIK  
SKUPŠTINE BRČKO DISTRIKTA BIH

**Mr. sci. Siniša Milić, s. r.**

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 4. redovnoj sjednici održanoj 10. marta 2021. godine, usvaja

### ZAKON O IZMJENAMA ZAKONA O IMPLEMENTACIJI ODLUKE KOMISIJE ZA ZAŠTITU NACIONALNIH SPOMENIKA IZ ANEKSA 8

#### Član 1

U Zakonu o implementaciji odluke Komisije za zaštitu nacionalnih spomenika iz Aneksa 8 (Službeni glasnik Brčko distrikta BiH, brojevi: 2/02, 19/07) u članu 3 tačka 2 se briše.

#### Član 2

Član 6 zakona mijenja se i glasi:

„Član 6

Lokacijske uslove, odobrenja i dozvole u postupku zaštite, konzervacije, prezentacije i obnove nacionalnih spomenika izdaju nadležna odjeljenja Vlade Brčko distrikta BiH u skladu s odredbama Zakona o prostornom planiranju i građenju i ovim zakonom.“

#### Član 3

Član 7 zakona se briše.

#### Član 4

U članu 8 stavu 1 zakona iza riječi: “izdavanja” dodaju se riječi: “lokacijskih uslova i”.

U stavu 2 riječ: “Odjel” zamjenjuje se riječima: “nadležna odjeljenja iz člana 6 ovog zakona”.

#### Član 5

Član 11 zakona mijenja se i glasi:

„Član 11

(1) Uz zahtjev za izdavanje lokacijskih uslova, propisanih Zakonom o prostornom planiranju i građenju, podnositelj zahtjeva prilaže:

- izvod iz katastarskog plana,
- historijski i graditeljski opis izvornog stanja objekta ili kompleksa s postojećom arhitektonskom, fotografskom i drugom dokumentacijom,
- opis sadašnjeg stanja objekta ili kompleksa i projekta obnove objekta ili kompleksa.

(2) Uz zahtjev za izdavanje lokacijskih uslova za obnovu objekata koji su potpuno uništeni, pored priloga iz stava 1 ovog člana prilaže se i prijedlog glavnog projekta.“

#### Član 6

U članu 17 zakona riječ: “Odjel” zamjenjuje se riječima: “nadležna odjeljenja iz člana 6 ovog zakona”.

#### Član 7

U članu 18 zakona riječi: “Zakona o prostornom uređenju”, zamjenjuju se riječima: “Zakona o prostornom planiranju i građenju”.

#### Član 8

Svi postupci započeti do dana stupanja na snagu ovog zakona okončat će se u skladu s odredbama ovog zakona.

#### Član 9

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02-1242/21  
Brčko, 10. 3. 2021. godine

PREDSJEDNIK  
SKUPŠTINE BRČKO DISTRIKTA BIH

**Mr. sci. Siniša Milić, s. r.**

## 98

Na osnovu člana 31 stava 1 tačke n) Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 54/18 – prečišćeni tekst, 17/20 i 24/20), donosim

### ODLUKU O PROGLAŠENJU ZAKONA O IZMJENAMA ZAKONA O PLANIRANJU, PROJEKTOVANJU I RAZVOJU BRČKO DISTRIKTA BOSNE I HERCEGOVINE

#### Član 1

Proglašavam Zakon o izmjenama Zakona o planiranju, projektovanju i razvoju Brčko distrikta Bosne i Hercegovine, koji je usvojila Skupština Brčko distrikta BiH na 4. redovnoj sjednici održanoj 10. marta 2021. godine.

#### Član 2

Ova odluka bit će objavljena u Službenom glasniku Brčko distrikta BiH.

Broj: 01-02-1243/21  
Brčko, 10. 3. 2021. godine

PREDSJEDNIK  
SKUPŠTINE BRČKO DISTRIKTA BIH

**Mr. sci. Siniša Milić, s. r.**

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 4. redovnoj sjednici održanoj 10. marta 2021. godine, usvaja

### ZAKON O IZMJENAMA ZAKONA O PLANIRANJU, PROJEKTOVANJU I RAZVOJU BRČKO DISTRIKTU BOSNE I HERCEGOVINE

#### Član 1

U Zakonu o planiranju, projektovanju i razvoju Brčko distrikta Bosne i Hercegovine (Službeni glasnik Brčko distrikta BiH, brojevi: 12/19, 23/19, 34/19 i 24/20) član 9 mijenja se i glasi:

#### „Član 9

(Djelatnost Zavoda)

- (1) Djelatnosti Zavoda su:
- a) izrada dokumenata prostornog planiranja Distrikta (strategija prostornog razvoja Distrikta, prostorni plan Distrikta, urbanistički plan, sprovedbeni planovi: zoning plan, regulacioni plan, urbanistički projekat, plan parcelacije) u skladu sa zahtjevima i odlukama nadležnih organa;

- b) izrada strategija i planova društveno-ekonomskog razvoja Distrikta;
  - c) izrada planova i projektne dokumentacije za izgradnju, sanaciju i rekonstrukciju komunalne, putne infrastrukture i javnih objekata i javnih površina, kao i planova uređenja građevinskog zemljišta;
  - d) stručno-tehnička priprema za izradu godišnjeg programa za donošenje prostorno-planske dokumentacije i planova društveno-ekonomskog razvoja;
  - e) izrada elaborata o urbanističko-tehničkim uslovima i davanje stručnog mišljenja na zahtjev nadležnih organa;
  - f) izrada sektorskih studija, planova i elaborata;
  - g) izrada projekata uređenja i infrastrukturnog opremanja poslovnih zona u koordinaciji s nadležnim organima javne uprave;
  - h) učestvovanje u pripremi propisa iz oblasti prostornog uređenja i građenja (zakona i podzakonskih akata);
  - i) iniciranje rješavanja imovinskopravnih odnosa radi realizacije infrastrukturnih projekata predviđenih kapitalnim budžetima Distrikta, u saradnji s nadležnim odjeljenjima;
  - j) podrška nadležnim organima javne uprave na pripremi i predlaganju kapitalnog budžeta i drugih investicionih planova utvrđenih strateškim planovima Distrikta;
  - k) podrška za pribavljanje svih potrebnih saglasnosti, dozvola i rješenja za građenje, u saradnji s nadležnim organom javne uprave;
  - l) osigurava elaborate o geomehaničkom ispitivanju terena za gradnju samo za izradu prostorno-planske dokumentacije;
  - m) vrši arhitektonsko i inženjersko savjetovanje;
  - n) stručna podrška nadležnim organima javne uprave razvoju geografsko-informacionog sistema Distrikta u oblasti planiranja razvoja, izgradnje, rekonstrukcije i sanacije javnih objekata i komunalne infrastrukture;
  - o) upravljanje bazama podataka iz nadležnosti Zavoda;
  - p) obezbjeđivanje neophodnih podataka o komunalnim uređajima i komunalnoj infrastrukturi potrebnih za izradu projekata i planova infrastrukture;
  - q) izrada projektne dokumentacije i planova u postupku zaštite objekata kulturnog i historijskog značaja i prirodnog naslijeđa;
  - r) obavljanje poslova izdavanja časopisa i periodičnih publikacija iz oblasti prostornog uređenja i urbanizma;
  - s) obavljanje poslova projektantskog nadzora izgradnje infrastrukturnih i građevinskih objekata;
  - t) pružanje konsultantskih usluga u oblasti planiranja, projektovanja i vođenja investicija;
  - u) vršenje drugih stručnih poslova utvrđenih zakonom i drugim propisima koji se odnose na oblast planiranja, kao i poslova koje mu odredi osnivač ili Vlada.
- (2) Projekti i planovi iz stava 1 ovog člana izrađuju se u skladu s načelima struke prema prioritetima koje utvrdi Vlada i na osnovu planova, zahtjeva i smjernica nadležnih organa,„

### Član 2

U članu 22 stavu 4 tačka b) mijenja se i glasi:

„b) da posjeduje najmanje visoku stručnu spremu tehničkog smjera (diplomirani inženjer arhitekture, diplomirani prostorni planer, diplomirani inženjer građevine, diplomirani inženjer saobraćaja, diplomirani inženjer mašinstva ili diplomirani inženjer elektrotehnike) ili društvenog smjera (diplomirani pravnik, diplomirani ekonomista), VII/1 – 240 ECTS bodova“

### Član 3

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02-1244/21  
Brčko, 10. 3. 2021. godine

PREDSJEDNIK  
SKUPŠTINE BRČKO DISTRIKTA BiH

Mr. sci. Siniša Milić, s. r.

## 99

Na osnovu člana 14. Zakona o javnim preduzećima Brčko distrikta BiH ("Sl. glasnik Brčko distrikta BiH", broj: 22/18 - prečišćen tekst i 5/20), člana 162, stavka 4., a u vezi s članom 162a, i 162b, Zakona o komunalnim aktivnostima Brčko distrikt („Službeni glasnik Brčko distrikta BiH“, broj: 30/04, 24/07, 9/13 i 3/18) i s članom 37. Statuta Javnog preduzeća „Putevi Brčko“ d.o.o. Brčko distrikta BiH, te odredbama Poslovnika o radu Upravnog odbora Javnog preduzeća „Putevi Brčko“ d.o.o. Brčko distrikta BiH, Upravni odbor JP „Putevi Brčko“ d.o.o. Brčko distrikta BiH na svojoj 44. redovnoj sjednici održanoj dana 16.02.2021. godine donosi sljedeću

### ODLUKU

#### O NAČINU ORGANIZOVANJA, UPRAVLJANJA I UPOTREBE JAVNIH PARKING MJESTA U BRČKO DISTRIKTU BIH

##### I. OPŠTE ODREDBE

#### Član 1.

Ovom odlukom uređuju se uslov i način organiziranja, upravljanja, upotrebe i način naplate na javnim parking mjestu na području Brčko distrikta BiH.

#### Član 2.

Aktivnost iz člana 1. ove odluke obavlja Javno preduzeće „Putevi Brčko“ d.o.o. Brčko distrikt BiH - Sektor za parkinge, izdavanje dozvola i saglasnosti (u daljnjem tekstu: Preduzeće).

#### Član 3.

- 1) Javno parking mjesto u smislu direktive ove odluke su javno saobraćajno područje i posebni prostori određeni za parkiranje motornih vozila, a mogu biti na ulici i izvan ulice.
- 2) Javna parking mjesta mogu biti opšta i posebna.
- 3) Opšta parking mjesta su dijelovi pločnika, trotoara ili površina između pločnika i trotoara i druge površine posebno obilježene za parkiranje motornih vozila.
- 4) Posebna parking mjesta su objekti i površine izgrađeni i uređeni za parkiranje motornih vozila s kontrolisanim ulaskom i izlaskom vozila.

#### Član 4.

- 1) Javnim parking mjestima, u smislu odredaba ove odluke, ne smatraju se posebni prostori za parkiranje motornih vozila koji pripadaju određenom objektu (ustanova, poslovni ili stambeni objekt, taksi stanica i sl.) ili prostori privatnih parcela koje je korisnik opremio za pružanje usluga parkiranja, odnosno privatna parking mjesta.
- 2) Korisnik posebnog prostora iz stavka 1. ovog člana može posebni prostor za parkiranje motornih vozila ustupiti djelo-mično ili u cjelini Preduzeću koje će ga urediti i koristiti kao opšte ili posebno parking mjesto, a uvjete upotrebe posebnog prostora regulisat će ugovorom.

#### Član 5.

- 1) Javna parking mjesta na kojima se vrši naplata naknade za upotrebu parking mjesta mogu biti: stalna, privremena i povremena parking mjesta.
- 2) Stalna parking mjesta su javne saobraćajne površine i posebni prostori određeni i obilježeni za parkiranje vozila.
- 3) Privremena parking mjesta su privremeno uređene javne prometne površine i posebni prostori određeni i obilježeni za parkiranje vozila.
- 4) Povremena parking mjesta su javne prometne površine koje od strane Vlade Brčko distrikta BiH mogu biti određene za parkiranje motornih vozila za vrijeme održavanja javnih skupova, sportskih, kulturnih, umjetničkih i drugih manifestacija i priredbi, a koje su posebno određene i obilježene za parkiranje vozila.
- 5) Preduzeće može na osnovu zahtjeva zainteresirane stranke besplatno privremeno ustupiti parking mjesto iz člana 6. stavka 1 ove Odluke u opravdanim slučajevima, o čemu odlučuje direktor Preduzeća posebnom odlukom, a na osnovi obrazloženog prijedloga zamjenika direktora i voditelja projekta u čijoj je ingerenciji kontrola i naplata parking mjesta.